

Injil untuak anak-anak hadiah



Tembok
Gadang
Nehemia



Ditulih oleh: Edward Hughes

Diilustrasikan oleh: Jonathan Hay
Alastair Paterson

Diadaptasi oleh: Mary-Anne S.

Diterjemahkan oleh: Yulia Anggraini

Diproduksi oleh: Bible for Children
www.M1914.org

©2023 Bible for Children, Inc.

Lisensi: awak punyo hak manyalin atau mancetak carito iko,
salamo awak indak manjual nyo.



Persia, nagara yang sangaik kuek, pusek pamarintahan dunia. Dan rajo Artahsasta mamarintah ateh Persia. Hal itu mambueknyo manjadi surang pamarintah yang sangaik bakuaso. Salah surang pambantu rajo yang sangaik penting adolah Nehemia urang Yahudi. Tugasnyo adolah mancicipi masakan rajo untuak malinduangi rajo dari kamungkinan racun.



Pado suatu hari, Nehemia datang kapado rajo dengan muko yang muram. Rajo ingin tau apo yang alah tajadi. Nehemia bakato. "Oh rajo. Mudah-mudahan rajo iduik untuak salamonyo. Aku sadiah sabab kota tampek kuburan ayahku alah ancua dan pintu-pintu gerbangnyo alah


tabaka," Nehemia bacarito tantang Yerusalem, yang alah ancua karano paparangan babarapo tahun yang lalu.



Rajo Artahsasta batanyo. "Apo yang engkau inginkan?" Nehemia mamohon, "Ijinkan aku pai ka Yerusalem sainggo aku bisa baliak mambangunyo," Rajo Artahsasta tantu sajo sangaik satuju. Inyo maagiah ka Nehemia surek parintah untuak malinduanginyo salamo pajalanan.



Rajo mambantu sangaik banyak. Inyo mambari Nehemia surek untuak Asaf, saurang panjago hutan punyo rajo. Asaf diparintahan untuak mamanuahi sabara banyak kayu yang diparaluan Nehemia untuak mambangun tembok kotanyo.



Katiko Nehemia sampai di Yerusalem inyo manamui
surang pamarintah kota dan bakato.



"Saat ko kito sedang dalam masalah. Kota sedang dalam kaancuran dan tembok kota alah tabaka. Mari kita mulai mambangunnyo," Nehemia manyampaian kalau rajo Artahsasta mandukuang mereka, dan yang paliang penting dari sadonyo itu, Allah basarato jo mereka.



Iman Nehemia dan sumangaik yang dimilikinyo maagiah sumangaik banyak urang. Urang-urang itu satuju, bakato, "mari kito bangun baliak," Nehemia maagiah tau satiok keluarga bagian tembok yang harus urang-urang itu perbaiki.



Tapi, indak sado urang satuju untuak mambangun baliak tembok itu. Surang laki-laki banamo Sanballat dan duo urang kawannyo Tobiah dan Geshem, bukanlah urang Yahudi dan mereka



indak ingin mambangun
atau mamperbaiki
pintu gerbang itu.



Katiko karajo sadang balangsuang, Sanbalat sangaik berang. Inyo dan kawannyo maolok-olok urang-urang Yahudi. Tobiah bakato. "Katiko urang-urang itu alah manyalasaan tembok pambateh itu, Saikua rubah ketek akan datang dan maancuaan sadonyo," Nehemia indak manjawek. Tapi inyo taruih badoa ka Tuhan



supayo Tuhan
yang baurusan
jo urang itu.




Katiko asutan urang itu indak mambawo pangaruah
apopun, Mereka sapakaik untuak malawan Yerusalem
dan mambuek kakacauan sabanyak yang mereka bisa.
Dan Nehemia baliak mamohon
patolongan dari Tuhan. Inyo pun
manampaiakan panjago siang jo
malam sainggo mereka
indak akan
takajuik
kalau ado
sesuatu.




Urang-urang Yahudi bakarajo dengan sangaik kareh dan mulai latiah. Babarapo urang mulai takuik kalau musuh datang dan mambunuah mareka katiko sedang bakarajo. Tapi tatap, Nehemia indak mambarantian karajonyo. Inyo malatakan panjago di sakaliliang pakarajo dan maingekan urang-urang itu sadonyo kalau Allah basarato mereka dan Allah jauh labiah kuek daripada musuh!



Nehemia mancubo
untuak manjadi
contoh yang baik.
Rajo Artahsasta alah
manjadiannyo Gubernur
Yerusalem dengan
kawenangan untuak
manuntuik makanan
dan pitih dari
urang-urang
disitu.



Tapi
Nehemia indak
melakukannyo.



Inyo hanyo
bakarajo sangaik
kareh basamo jo
urang-urang itu untuak
baliak mambangun
tembok itu. Inyo
manggunoan pitihnyo
surang untuak mambali
makanan.



Akhirnyo, mereka bisa manyalasaian bangunan tembok dan tingga malatakan pintu-pintu di gerbang utamo. Katiko Sanbalat, Tobia dan Geshem mandanga kalau indak ado paalang di tembok itu, mareka barencana untuak mancilakoi Nehemia.



Urang itu mangiriman pasan ka Nehemia untuak batamu dengan mereka di suatu tampek banamo Ono. Tapi Nehemia tau kalau urang-urang itu mancubo untuak mamancıangnyo kalua dari kota sainggo mereka bisa mancılakoinyo. Nehemia mambaleh surek itu dan mangatoan ka urang itu

kalau inyo indak bisa maninggaan karajonyo untuak manamui mereka.



Bangunan tembok
itu akhirnya
batua-batua
salasai,



dan Nehemia
maatur para panjago
untuak manjagonyo.



Inyo mambuek
paraturan kalau
pintu gerbang itu
indak



buliah
dibukak
sampai
matohari

tabik. Sapanjang malam,
mereka harus manutuik
dan manjagonyo.



Kini kota itu baliak aman, banyak urang Yahudi yang dulu pindah ka tampek lain, baliak ka Yerusalem. Nahemia sangaik sanang sabab alah manyalasaan karajo Tuhan yang alah di agiah Tuhan kapadonyo. Talapeh dari sagalo kasulitan yang ado. Nehemia tingga di Yerusalem dan mambantu urang-urang untuak taruih setia kapado Allah.



Tembok Gadang Nehemia

Sabuah carito dari firman tuhan, Injil

Didapekan di

Nehemia

"Jalan masuak firman-firmanNyo mambarikan
cahayo." Mazmur 119:130



Tamat



Injil bacarito kapado kito tentang Tuhan kito nan sangaik hebat, nan manciptakan kito, dan Baliau andak awak mangenal-Nyo.

Tuhan tau kito mangarajokan nan indak elok, nan Beliau katoan doso. Hukuman babuek doso iolah mati, tapi Tuhan sangaiklah cinto kapado awak, Baliau mautuih anak semato wayang-Nyo, Yesus, untuak mati disalib dan dihukum ateh dosonyo surang. Sasudah itu Yesus iduik baliak, dan babaliak ka rumah, di sarugo! Apobilo awak picayo kapado Yesus, dan maminto-Nyo untuak mamaafkan doso-doso awak, Baliau andak mambueknyo! Baliau andak tibo dan iduik di dalam diri awak surang, dan awak andak iduik basamo-Nyo salamonyo.

Jiko awak picayo bahwo iko iolah sabuah kebenaran, kecekan iko kapado Tuhan: Ya Yesus, Ambo picayo bahwo Engkau iolah Tuhan, dan manjadi saurang manusia nan mati untuak doso awak, dan kini Engkau iduik baliak. Ambo mohon tibo ka dalam iduik awak dan maafkan doso-doso awak, sahinggo ambo mandapek kahidupan nan baru, dan suatu hari isuak bisa basamo-Nyo salamonyo. Tolong ambo untuak mamatuhi Engkau dan iduik untuak Engkau sabagai anak Engkau. Amin.

Baca Injil dan berbicara dengan Tuhan setiap hari! John 3:16

